

Xandlamajaji xi ta khomanisa tinhundzu ta khamphani mayelana na xikweleti xa PAYE na VAT

Tshwane, 10 Mhawuri 2021 – Tinhundzu ta GladAfrica Management Services ti ta khomanisiwa hi xandlamajaji endzhakukaloko Vukorhokeri bya Xibalo bya Afrika-Dzonga (SARS) byi kumile ahlulo wa xinawu na xileriso xa khoto ehenhla ka khamphani endzhaku ko rhumela mitlheriso ya PAYE na VAT handle ko endla hakelo.

Ntsandzeko wo endla tihakelo wu fikelerisile eka xikweleti xa R88-million naswona wu yisiwile eka *SARS PAYE Rapid Response Team* leyi nga va na mimbhurisano yo hlaya na muhakelaxibalo exikarhi ka Mudyaxihi na Mhawuri ya 2021.

Hambiswiritano, xileriso xa khoto xi humesiwile namuntlha hi ti 10 Mhawuri, lexi landzeriweke hi nkhomaniso wa tinhundzu hi xandlamajaji.

Khomixinara wa SARS Edward Kieswetter u vurile leswaku swikongomelo swa kungu swa nhlango a ku ri ku endla swi nonoha no durha eka vahakelaxibalo lava nga landzelerisiki swiboho swa vona swa xibalo, ku nga langutiwi leswaku muhakelaxibalo i mani.

"SARS yi le ku lemukeni swinene endlelo ra tikhamphani ro rhumela mitlheriso handle ko endla tihakelo leti fambisanaka na mitlheriso yaleyo. Nkanandzeleriso wolowo wu nge kondzeleriwi tanihileswi ku nga nxungeto eka matimba ma SARS mo hlengeleta mali ya tiko.

"Tikhamphani na valawuri va tona va fanele ku tsundzuka leswaku SARS yi ta teka swiendlo hinkwaswo swa xinawu ku kota ku tiyisisa nandzeleriso no tiyisisa leswaku tihakelo ta VAT na PAYE ti endliwile. Tanihi ntwanano wa vandla ra vunharhu, PAYE yi hlengeletwa ku suka eka vatirhi ematshan'wini ya SARS naswona a hi mbuyelo wa khamphani. Ku tirhisa xibalo lexi hlengeletweke eka swikongomelo swin'wana handle ko xi hakela eka SARS, i nandzu wa vugevenga." ku vurile Tatana Kieswetter.

Mayelana na vuxokoxoko, tihlanganise na SarsMedia@sars.gov.za